

泉州府志卷之十六

壇廟寺觀

古嚴非族之祀必功德之足以永世而利民者斯享其報自佛老教行紺宮丹室幾遍寰區泉當宋初山川社稷不能具壇而寺觀之存者凡千百數益信五季將佐割據紛爭讖罪福已非爲民也自是以後祀典日修矣而木泥之偶雄將軍溫某郎蹈天隨子所譏者亦復不少今自春秋二舉所及之外非唯其栖可撤者志不爲存卽或名號顯然而捍患禦災非在

泉州府志

卷之十六

壇廟寺觀

一

茲土亦比諸子胥祀吳而不祀楚之例若夫已公茅屋道貫星壇彼自遊方之外者第聽之可耳作壇廟寺觀志

晉江縣

附郭

府社稷壇在府治朝天門外田菴八閩通志宋州社稷壇在府治西南淨明坊內元因之明洪武二年知府常性移建今所

國朝雍正九年知縣王之琦修乾隆二年

勅修宋元時晉江縣社稷壇在元妙觀南明時以縣附郭

統祭於此壇制累石爲之北向縱橫各二丈五尺高三尺繚以周垣陞各三級旁闢四門立石主一於壇之南又置木主二高三尺三寸曰府社之神曰府稷之神旁設神庫神廚宰牲房洗牲池齋房歲春秋仲月上戊日致祭

風雲雷雨境內山川城隍神壇在府治西南臨漳門外柳通鋪八閩通志宋初以風雨雷師附祭社稷壇嘉定十四年郡守宋均復別建於仁惠坊內東倉之隙地元因之明時故址併入府治洪武二年知府常性建今所

泉州府志

卷之十六

壇廟寺觀

二

國朝雍正九年知縣王之琦修乾隆二年

勅修晉江縣附郭統祭於此壇制累石爲之南向縱橫各二丈五尺高三尺繚以周垣門陞廚庫等所如社稷制設神位三中風雲雷雨之神左境內山川之神右府城隍之神歲春秋仲月上戊日致祭

先農壇在府治仁風門外東禪鄉藉田後

國朝雍正五年

勅建壇制累石爲之高二丈一尺寬二丈五尺壇之正北中一室奉先農神牌東房貯祭器農具西房收藉田米

穀東配房置祭器西配房給看守農戶居之外繚以垣
門南向籍田制四畝九分歲仲春亥日致祭禮畢耕籍
田知府秉耒佐貳執青箱晉江縣知縣播種各外縣正印官秉耒
佐貳執青箱播種耆老一人牽牛農夫二人扶犁九推九反農
夫終畝耕畢官率耆老農夫望闕行禮農具用赤色牛黑色箱青色耔種以土之所宜
八蜡不別爲壇

國朝雍正十一年

詔有司歲十二月上戊日致祭先嗇司嗇居正位東上餘

泉州府志

卷之十六

壇廟寺觀

三

六神稍後一尺分設左右卽先農壇祀之晉江縣附郭
統祭於此

郡厲壇在府城外泉山鋪舊在城北七里許明洪武二年
知府常性建嘉靖閒徙今所

國朝因之歲春清明秋中元冬十月朔致祭先期牒告城
隍祭之日迎神於壇主之晉江縣附郭統祭於此

文廟

崇聖祠 名宦祠 鄉賢祠 名宦鄉賢諸專祠 忠義

孝悌祠

俱詳見學校

關帝廟在府治惠義舖

明李光緒記今天下祠漢壽亭侯

慮百數獨吾儒林里中廟貌爲勝詢之故老不知創所
由始相沿至今上自監司守令居是邦者追郡薦紳學
士紅女嬰孺亡不人人奔走禱靡不應應靡不神先是
其從父相國雲泉公爲記廡壁光緒獲弓燭之禱于侯
乃伐珉記之李光緒曰今所爲頌侯之烈與侯所以繫
千百世之人心者得非以一念殉漢之忠乎竊以爲未
盡侯也夫帝室之有隆替國統之有存亡自生民有主
而來誰代無之何但漢其歷朝死事諸臣當改姓易命
之秋殺身翼主而極忠無貳慮何但侯然皆一時能使
人歎息咨嗟傳之久而名存耳未有若侯靈響今凜然
如生者國于天地必有與立惟是生人五倫兩儀不得
以墜二曜不得以晦人心不得以死侯始遇元德朋友
也約盟而後兄弟也及推爲中山靖王裔而主事之則
君臣父子也平居無里閭之驩非胞乳之共不有折圭
擔爵之素匹夫相友然信以死先兄而後臣之閒關周
旋各盡其道此侯之所以獨高千古也先主得孔明而

泉州府志

卷之十六

壇廟寺觀

四

魚水之侯不悅侯豈爲新聞舊少加長之私情乎蓋謂
波兄弟也而分三國我兄弟也而盟一心惟其有所不
足于諸葛氏兄弟之閒所以不無致疑于三顧君臣之
際侯之爲人弟道可見于此矣孔明請先主于吳爲援
通婚姻之國侯罵其婚絕其使侯不欲教子二也權身
爲漢賊侯忠漢假令屬其女于亂賊之子而有所私善
于吳不惟悖先主且悖漢故以婚姻爲完蜀計則可侯
爲其子計則不可下邳之役操有心矣侯不臣操操亦
終不加侯侯爲漢報操操豈爲漢故而全侯也彼其賊
漢天子逐天子后敢于手刃而無疑一旦見侯凜凜軍
中所稱臣而母事者乃其平昔嫂呼之人無幾微禮失
不惟明主臣之道而且遠叔嫂之嫌遂不覺神悸而魄
奪耳夫良心之發義理之窟雖賊瞞亦有之而况天下
後世之人心乎何國而無君臣何家而無父子何人而
無兄弟朋友夫婦且今之奔走而禱于侯者奚而人也
非其感于行役之義則其動于瞻陟之情原隰之可懷
嚶鳴之求聲九十之卜其儀五六之期其詹而皆以問
于侯侯儼然在上若挈天綱地維以詔人不言而人心

自肅天下之爭祀侯以此不但以其殉漢而死事也郡人廟侯于孔氏宮之左孔門之教莫大人倫春秋之誅亂賊誅其悖乎倫者若不嘗藥不逾境不討賊之類不必其身親弑而後斧鉞之諸弟子中所推勇惟仲子路迂正名死結纓夫子皆過之而許其弑君父而不從則能明倫理之正而不失食祿死難之義也侯素好春秋是以明正統仇孫曹使其得吾夫子爲依歸當其在仲由之右與郡人祀侯甚恪不盡所以祀故以此語之其或有不忠不孝不弟不友不信者無明嘉靖閒長史李得入此廟縱禱于侯侯亦必不應之

一德重修萬歷閒復於廟右塑帝及漢昭烈帝張西鄉

侯諸葛丞相像

李光緒記郡故有漢壽亭侯廟靈響特異士民奉之甚恪廟左右堂左祀壽亭

侯右祀平浪侯晏不知所從始久沿弗敢更萬歷甲辰歲奉佛者遷平浪侯于堂右偏而中塑觀音大士像爲善信皈依之地識者非之壬子春移大士像于月臺之禪室而里中孝廉張君汾文學楊君某某何君啓昇張

泉州府志

卷之十六

壇廟寺觀

五

君某相議塑劉先主關壽亭侯張西鄉侯附諸葛武侯祀于其中堂位南向而奉平浪侯于前廳位北向塑旣成表漢時共事之雅開泉人未有之祀觀者如堵縉記之夫古今言義者皆屬之君臣而于朋友則言信然近于義而言始可復則信亦義之符也雖謂朋友爲義交可矣乃若兄弟未有言義者其親本乎父子夫婦之生其倫秩乎胞乳先後之序乃天之所治非人之所設安得言義兄弟而以義言則自劉先主於關張始也先主起涿郡壽亭侯起解州西鄉侯亦涿郡人三人生不同地居不同族先主雖中山靖王之後一販履之夫耳非有爵位名號蚤有聲於天下而卒然相遇于崎嶇草澤中意氣歡投約爲弟昆此識見有大過人者卒之閒關險阻死生不分其信嚴乎天地炳如日星可謂知大義矣然人知其義而不知其所以義知輔先主之爲義而不知其約謀興漢之爲真義蓋當是時漢室雖不綱獻帝之共主猶存以曹瞞之奸猶知藉其名挾其威以合諸侯而九錫之加必假漢天子詔而後受之寧以先主爲漢裔壽亭侯西鄉侯爲漢臣而不知爲帝望謀者合

其初相與盟先主卽有帝制自爲之心壽亭西鄉亦自有帝先主之意挾力起兵窺伺漢室則先主亦孫曹之等而壽亭西鄉亦公瑾司馬仲達之流耳安在爲義哉今按先主之稱漢中王在建安二十四年而其卽帝位于武擔之南在魏黃初之二年皆曹氏廢帝自立遇害發喪之後而當其顧諸葛武侯于隆中惓惓以伸大義興漢室爲言武侯亦以其帝室之胄也故寧與其兄分事而不肯一失身于孫曹則先主之心噓炎漢關張信之武侯亦知之而當獻帝之在時其無稱王自帝之心明矣先主與孫曹爭雄長其用心與孫曹異先主之心扶漢者也孫曹之心無漢者也先主欲扶漢則不得不仇孫曹之賊漢者壽亭西鄉欲爲先主而扶漢則不得不効死力于先主先主仗大義之心與壽亭合壽亭爲漢室仗大義之心又與西鄉合此三人者其狀貌之恢奇可一望而知其議論之慷慨可一聞而決固宜其片言之約遂定爲終身之券寧爲漢死而不悔也匹夫慕義相然信以死後往往相悖戾豈必其終而始渝盟良由其剖心示信之初已懷有苟富貴圖私利之志一旦

泉州府志

卷之十六

壇廟寺觀

六

形分勢隔猜嫌遂生而戈矛遽露矣譚尚之相攻不植之相迫豈非以利哉司馬懿于曹不至善而叡愛禮懿又至乃其殺曹之子孫殆盡政向之所引爲股肱心膂之臣然不于其誅爽弒髦之時而在蒞牧臨履之際矣彼其所昕夕覲而垂涎者有魏之鼎在耳夫自古未有非輕大利之人而能與人成大利者壽亭西鄉以君臣之義完手足之好武侯釋兄弟之好完君臣之義或先弟而後臣或先師而後臣則先主以義始而三臣以義終魚水之歡同休等戚之愛非偶然也史稱先主于二人寢則同床恩若兄弟而侍立周旋不避艱險武侯亦自表于先主臣死之日不使內有餘帛外有餘財以負陛下其見大義而忘利如此嗟夫使世人而皆能見義以忘利也則恩誼之情篤而身家之心輕矣以處君臣兄弟朋友之倫何所不可哉余故特表而出之以爲世之臣弟友者勸焉

天啓元年於後殿塑帝袞冕像郡紳楊維清

李光縉徐某修廟廣僧道住持居室復有記立石

國朝順治九年

勅封忠義神武關聖大帝雍正五年

勅封神曾祖光昭公祖裕昌公父成忠公增設神牌附祀

於右殿之後歲春秋二仲月吉日及五月十三日致祭

○按神累代崇祀至國朝而典禮加隆
廟徧城市鄉鎮茲據祀典所及者載之

府城隍廟在府治北卽資壽寺故址舊在治東夢輝舖宋

嘉祐二年侍郎趙涯建名明烈王廟明洪武二年封鑒

察司民顯佑伯三年改稱城隍之神四年知府常性重

建永樂閒晉江知縣宋仲祥正統閒知府熊尚初正德

泉州府志

卷之十六

壇廟寺觀

七

閒知府葛恒相繼修嘉靖二十三年廟收叅將署知府

俞咨伯改建今所

陳讓碑記高皇帝平定埏區正位建

視地爲差三年詔定天下所祀嶽瀆城隍皆依本稱無

爵號謂神通靈山川調風致雲奮雷順雨春秋秩祀焉

四年敕郡邑皆立厲壇以神主其祭監察官民善惡官

履位必先假廟與神誓期陰陽表裏協于直正以順承

天休大之所能神所不能者人其任之天無所不能而神

能者神其不任耶爽德怠事皆爲獲罪於天無所禱也

泉郡城負清源而臨晉水崇雉周池神與郡諸侯皆受
命於天以保民爲職位分相當通氣效能表裏共治若
晝夜寒暑晦明舒肅成歲實有其理非假借神通而爲
言也廟舊在衛西迨近臺省諸署湫隘囂圯剝殆盡
歲甲辰人祲郡侯俞公蒲山別駕陳公少華思祈神貺
載輯民休乃相諮議謂神聰明正直能調和風雨福善
禍淫助我綏育黎庶今廟若茲甚非所以安安神靈昭
致慈惠精意者時詘不可用民惟資壽寺廢且盡門堂

寢室僅存費一功百積高居幽實惟神明之隩正直之府足稱陰陽表裏之義其惟遷哉厥功聿成廟貌巍峩丹青煥耀清齋有舍緇流有次遠近來觀莫不欣喜謂蒲山公高潛神衆制義達權少華公協德齊明少府雙華胡公繼至罔不同心與德謂幽明之路可通果繁昌之福可坐而致也○按隆慶萬歷二府志俱作三十二年知府童漢臣改建以陳讓碑文考之舊志應誤

國朝歲增春秋二祭

縣城隍廟在府治北雲山鋪舊附祀於生韓古廟

國朝乾隆十七年知縣黃昌遇建今所昌遇自爲記我晉

唐歷宋元明屢有遷移規制殊不可攷萬歷閒建韓魏公祠於譙樓前因其地爲公誕降處而以邑城隍崇祀其中顏之曰生韓古廟相沿幾二百年然近市湫隘廟貌未揚無以壯觀瞻即無以妥神靈已巳夏午予甫莅

泉州府志 卷之十六 增廟寺觀 八

任心竊爲之惶然籌改建而未得善地歲辛未相度形勢得地于譙樓西北民舍委洛陽司林君懋懿履勘議值邑紳陳君廷鳳首先捐金構地而邑人士復踴躍樂輸河閒令黃君爲漢鼓舞之力居多患紳陳君文輝董其事伐木取材鳩工集力經始于冬月閱今春而廟成復擴廟後餘地爲後殿左右翼以兩廊堂後蓋亭前殿崇神像後殿安神棲東西有廡復塑善惡類應之像以彰懲勸厥宇軒軒厥墉言言門屏宏敞金碧輝然庶足以壯觀瞻而妥神靈其將福我百姓于無窮矣

天后宮在府治南門內宋慶元閒建明永樂十三年奉旨

修葺嘉靖閒郡人徐毓重修顧珀記吾泉有靈濟天妃宮創自宋慶元閒奠于郡

城之南浯江橫其前三台擁其後左法石右紫帽亦郡中形勝地也國朝永樂十三年少監張謙使渤泥得番州發自浯江實仗神庥歸奏于朝鼎新之成化甲午郡守徐侯源墾田地二十餘畝以供香火之費歷歲既久

寢以傾頽有欲圖形勝而廬其居者矣進士徐君某尊甫徐公毓謂是宮實郡城諸水會歸之處蓋堪輿家所謂水口關係匪輕遂捐已貲協以衆募令子槩董其役先修正殿五間重建寢殿七間涼亭四座西廊三十間東西軒及齋館二十八楹經始於嘉靖庚子夏四月至甲辰季冬始落成焉泉衛指揮使王君文璫謂徐氏修廢起墜之功不可無紀者也徵予文刻石珣承乏太常時代讀成祖文皇帝御製碑文若曰仰惟皇考太祖高皇帝肇域四海際天所覆極地所載咸入版章懷來神人幽明循職朕承鴻基罔敢或怠恒遣使敷宣教化於海外諸番國尊以禮義變其夷習其初使者回奏涉海浩渺風雨晦明洪濤巨波驚心駭目乃有神人飄飄雲際以安以侑旋有紅光飛來舟中已而煙消霾霽風恬浪息張皇盪櫓候忽千里咸曰此天妃之神也顯示靈應朕嘉乃績特加封號建廟龍江之上禮記所謂有天下者祭百神之意也則今日神之祀不爲諂宮之修不爲侈文之刻不爲証視彼欲圖形勝而廬其居者不亦惑乎是爲記

泉州府志

卷之十六

壇廟寺觀

九

國朝乾隆元年郡人捐修神爲莆田林氏女宋宣和間賜額順濟後累封靈昭惠應崇福美利夫人紹熙閒封靈惠妃後又封助順顯衛英烈嘉應協正慈濟善慶妃元封護國明著天妃後加顯佑輔聖庇民廣濟靈感助順福惠徽烈號賜額雲慈明洪武中封昭孝純正孚濟感應聖妃永樂中封護國庇民妙靈昭應宏仁普濟天妃國朝康熙十九年平定臺灣神湧潮濟師

勅封護國庇民妙靈昭應宏仁普濟天妃二十三年封天后五十九年

特予春秋致祭

隆慶府志神居莆陽之滑洲嶼都巡檢恩之季女也生有祥光異香資慧穎悟能知

休咎長能乘席渡海常乘雲遊於島嶼人呼曰神女又曰龍女以其變化尤著于江海中也宋太祖雍熙四年九月二十九日昇化是後常朱衣翩旋飛行水上累著靈驗宋慶元二年泉州晉江潮庵僧覺全夢神命作官乃推里人徐世昌倡建寶筭江巽水二流之滙番船客航聚集之地時羅城尚在鎮南橋內而是宮適臨浯浦之上自是水旱盜賊有禱輒應歷代遣官齋香詣廟致祭明永樂五年以出使西洋太監鄭和奏令福建守鎮官重新其廟自是節遣內官及給事中行人等官出使琉球暹羅瓜哇蒞刺加等國率以祭告祈禱爲常又一在南門外廠口乾隆九年郡人施曜重脩一在十五都圍頭

國朝將軍施琅征海師次于此神有助順功康熙二十四

年遣禮部郎中雅虎致祭

泉州府志

卷之十六

壇廟寺觀

十

曰國家茂膺景命懷柔百神祀典具陳罔不祇肅若乃天庥滋至地紀爲之効靈國威用張海若於焉助順屬三軍之奏凱當重譯之安瀾神所憑依禮宜昭報惟神鍾靈海表綏奠閩疆昔藉明威克襄偉績業隆顯號禮享有加比者慮窮島之未平命大師之致討時方憂旱井澤爲枯神實降祥泉源驟湧因之軍聲雷動直搗荒陬艦陣風行竟趨巨險靈旂下颺助成破竹之功陰甲排空遂壯橫戈之勢至於中山殊域冊使興臨伏波不興片帆飛渡凡茲冥佑豈曰人謀是用遣官敬修祀事溪毛可薦黍稷惟馨神

其祐我家邦永著朝崇之戴眷茲億兆益宏利賴之功惟神有靈尚克鑒之

東嶽行宮在府治仁風門外鳳山之陽宋紹興二十二年

尚書張汝錫建明萬歷三十五年副使姚尚德知府姜

志禮重建

明李光縉記畧天下五方之山以秦岱爲東嶽虞書云舜東巡狩至于岱宗是也後世東

嶽之建始于唐高宗乾封元年封泰山勅郡國建東嶽行宮以祠青帝泉郡行宮在仁風門外第一山之陽志不載其構于何代何年但云建置修葺不一至宋紹興規制益宏則其由來久矣萬歷三十五年秋池大震颶風淫雨交作青帝宮盡圯帝像壞郡士民徬徨兵備使者姚公太守姜公邑令李公謀興復請文學詹君仰憲董其事詹君乃先自捐百餘金爲經始費收舊木貯之隙告鳩工盤土闢基按舊更新于焉始事已姚公姜公

泉州府志

卷之十六

壇廟寺觀

土

李公先後捐金外邑令亦有佐者匠石雜作工木並興費省而役不譁向殿柱用木今石之向無層簷今重之向一殿今列而三之殿後開軒窓受明左右直以兩巷垣屋翼其外中爲正殿祠青帝像傍塑女史女御侍六甲八穀在帝左尚書大理在帝右左右二執在端門東爲弘文府祀內階帝君西爲陰陽司祠陰德君闕通天露臺著尊崇之象以嚴祀釐之所巍巍煌煌視昔加廓矣

國朝康熙三十年提督張雲翼禱雨于此

雲翼自爲記康熙三十年夏四

月泉州不雨民肩水以漑來牟溪井皆涸稻田既如石且不可秧泉之監司守牧與令皆憂之各爲祈秋民亦籲于羣神白衣巾幼者跽行于前十步一起止壯者老者焚香于後而昇神其中鳴金鼓以導神亦素冠縞衣持柳枝如行雨狀號呼之聲自晝入夜余聞而悲謀所禱之或曰泉濱海宜告龍之宮或曰泉有山蔡忠惠禱千金雞貞文忠禱于紫澤余思上帝賜康必專嶽臣維嶽興霖先出雲雨岱峙于東親爲天孫所以始成萬物

通元化氣主乎生而尤傳膚寸之靈獨能不崇朝速遍天下泉之東郊既有嶽祠不獨配位于魯而許分禋祀于極南瀛瀟之間知以生生之氣無遠弗届有其感之當無不立應乃建壇于祠蔬食致齋爲文以告之雲殊有滄雨猶細未至優渥余自署門復屏輿馬徒步以致誠是夕雷大作雲旣同和雨如注俟倒石吞江不止苦傾盆繼以霖霖者數日平海一路諸邑皆足于是泉之民爭來頌余夫雨暘時若百室盈寧守土者之所大慶也

聖天子化洽南服神威所震鯨鯢且久遁區區旱魃自不能肆乃虐而含澤布氣如喬嶽者亦莫不樂效其靈余何敢貪天功忘帝德不思所以荅神貺哉藝稻旣畢晴日麗郊乃率衆民報賽乾隆閒門內及兩廊悉壞之並題祠額曰霖沾膚寸云乾隆閒門內及兩廊悉壞二十五年雒陽司林懋懿捐銀二百五十餘兩請之府縣倡諸僚屬紳士捐助修建

泉州府志

卷之十六

壇廟寺觀

十二

旗纛廟舊在衛後今廢每歲霜降日用小牢禮設軍牙六纛神位祠於南較場演武廳前

生韓古廟在雲山舖以宋魏公生於此明萬歷閒設公神

牌祀焉附以晉江縣城隍

國朝乾隆閒城隍別建廟

詳見上

羅糴廟在府治中華舖神爲唐廣陵人李寬勅封護國聖王閩書抄廣陵李寬也初名珏隨父販糴平糴濟飢泉人德之後父老寬居江陽市仍其業授人升斗俾自量惟取息錢二奉親甘毳人爭趨之資養豐給後珏年八

十餘會李丞相珏出鎮淮南乃避其諱更名寬丞相下車數月夢入一洞天見石壁光瑩金書揭李珏二字長尺餘心甚喜問仙童此何所曰華陽洞天此姓名非相公也珏驚問爲誰曰江陽部民也晨起遣人物色得寬卽迎入從容訪曰翁壽而康必得道修煉何術幸指教對曰愚民何知因述自量事珏嗟歎曰此翁所以書名仙籍也遂旌之以勸世之公利者

互見寓賢

及歿泉人德之

卽其所寓地爲立廟

○按閩書又以羅羅宮爲祀適山廣利王未知孰是詳見下

萬仙妃廟在府治東東湖上一在蔡巷閩書妃故居湖上

泉州府志

卷之十六

壇廟寺觀

三

生時能爲人療病唐末黃巢寇閩妃顯靈寇遁州賴以全刺史王潮請于朝封護國英烈仙妃宋梁文靖克家

母病禱於神有應於城東置壇祀之

克家白爲碑記廣靈廟在泉東湖之

許神姓萬生能療病沒能爲國捍患乾符六年黃巢寇閩斬處士周朴神禦曰未說泉州境且說東湖一萬家巢衆駭遁民無肝腦塗地者實維神力也禮曰有功德於民者則祀之神之功如此泉人祀之也宜矣守臣王潮請封護國英烈萬氏仙妃以章祀典焉嗚呼廟貌歲久將顛余憶母病昔禱有感故卽城東地壇祀之落成撰志庸垂不朽淳後改壇爲廟卽今蔡巷

詳見方外女仙

睢陽廟在城西南勝得舖祀唐張巡 國初大水自惠安

漂木像泊於城隅有老尼奉于觀音宮康熙閒內院覺

羅霍拓提師平閩夜宿近處屢夢巡授以兵要訪得像處悉與夢符後復于陣中見睢陽旗號殺賊乃于康熙壬戌年偕總督姚啓聖將軍施琅提督萬正色暨諸文武僚屬捐俸銀買周姓住宅鼎建斯廟復于廟左買小屋一座前連店面以備廟中香燈廟內扁額題柱皆霍拓手書

按睢陽廟郡中多有有與許遠同祀爲雙忠者有與漢關羽宋文天祥並祀爲三忠者苟非顯靈於泉皆不備載

鐵爐廟在府治西鐵爐鋪

舊名昇文鋪廟爲五代留鄂公從効鑄冶所

宋嘉泰

閒郡人曾從龍重建相傳神號應魁聖王爲文貢司命

泉州府志

卷之十六

壇廟寺觀

古

明永樂四年通判洪葆修

楊曜宗記余觀清源郡志鐵爐廟在城西宜明坊直南傳

留鄂公造兵器之地土之應科名者禱焉時未之識也永樂四年春余歸自藩府展省先塋嘗經其所見其棟宇翬飛丹堊輝映駭而異之父老進曰此鐵爐廟也乃趨謁祠下致敬盡禮而去翼日里之士民會廷誨等躋門請曰吾邦素稱文獻異時登甲科而躋顯位者不少然皆有神以司之而兆其應若宋曾公從龍未第時嘗禱于所謂鐵爐廟者夢有書幅紙視之云兩嶺並輝於今秋一薦獨橫於天下既寤筆之牖閒越夕有謝君次山亦禱于廟神告之曰吾已語曾子明矣請視其牖謝亟謁曾以告明年曾果擢進士第一此慶元四年事也嘉泰閒曾公重建是廟載諸郡志昭然可考多歷年所風雨震陵上沱滂穿栖神無所吾儕視之歛然誠爲欠事歲已卯春東安洪公子厚由曹監來倅是邦治民事神舉當其可嘗謁是祠閒有問焉吉凶禍福應之如響遂慨然以起廢爲已任乃捐歲俸命其祠旁敏於事者曰曾老民曰陳志高以掌其役鳩上度材課庸售直始

於甲申之仲春至秋七月而祠以成顯敞邃深有加于昔邦人瞻仰莫不有懌作堂於右以奉觀音大士存舊規也顧未有記之者敢有請按祭法曰聖人之制祭祀也法施於民則祀之以死勤事則祀之以勞定國則祀之以禦災捍患則祀之今神廟食一方其法施於民歟其歟皆未有究其實者然郡志載其預知科第有禱即應是爲文章之司命人物之權衡其有功於文教也甚大祀之固宜郡倅公以文學致身出膺師帥之貳蒞事未幾政通民和而汲汲於事神爲先務其知爲治之要歟是皆可書也愧余荒陋紀事不文姑序大概以塞其請後之來者尚有功於斯焉

花橋真人廟在府治善濟鋪宋紹興閒建神吳本宋時同安人業醫活人景祐年閒化鄉人肖像祀之明永樂時

進封保生大帝

詳見方外

泉州府志

卷之十六

壇廟寺觀

十五

南岳廟在城南大門鋪祀宋節度陳洪進

詳見封爵

虎頭山廟在郡治北閩書抄神許仁燕人泉州司馬存心

正直愛民如子坳而神靈民祀之明萬歷閒有黃廷南

者自粵中航海歸閩船閣淺呼神明拯護幸無事一日

扶箕神書傳姓氏且云元妃李宜人三子籍燕京皆諸

生而身繇鄉進士來佐郡也廷南無以報德爲揭而懸

之廟中嗟乎宋元之際名宦湮滅無稱者可勝道哉夫

以林德陽之忠隱義倡宗仁郡乘三修堊紀拾遺彼閩

越接壤猶若是何況泉距燕八千餘里哉虎頭廟當泉

山入脉聳起其神素靈夫神无妄也固諒延南言匪虛耳

忠義廟在府治東鳳山麓宋紹興閒宗室趙汝錫建舊祀漢關公羽唐張公巡許公遠後復增祀宋岳公飛文公天祥陸公秀夫張公世傑蘇公緘趙公昂發

福遠廟在府治東東湖唐乾符閒建宋紹興八年修十一年賜額福遠閩書抄福遠廟龍神也唐乾符中僧大員築室東湖時有白龍出沒湖中因立廟宋紹興中郡守趙思誠傳公直禱雨有應又承天寺內亦有龍王廟

泉州府志

卷之十六

壇廟寺觀

七

忠顯廟在府治東五里許祀唐前鋒將劉行全淳祐志行全光州固始人從王緒至泉緒忌而殺之後刺史王潮爲建廟並祀同死事者三人宋宣和閒郡守陸藻修初名保安建炎閒監察御史林之平奏易今額後封靈佑侯有黃聖公者名世聰以孝聞沒附祀于此

三翁宮在三十七都舊刱建莫攷祀神四一衣青一衣黃一衣黑傍一人衣紅相傳宋末時有三老隨少帝至此少帝遇害俱觸石而死里人拾其遺骸收葬之今其傍衣紅者里人也

真武廟在府治東南石頭山上宋時建爲郡守望祭海神之所

對山夫人廟在三十三都常春鄉祀明蘇六娘以顯靈破

鄧茂七故

詳見方外女仙

國殤宮在三都祀明從知府熊尚初死難軍士

事見名宦傳

石鼓廟在青陽山宋嘉定閒建祀宋潮陽王志明永樂閒

勅封順正王

詳見方外

吳明山祠在靈源山背相傳吳氏昆季隱居于此歿後祈

禱輒應鄉人祀之

泉州府志

卷之十六

壇廟寺觀

十七

朋山廟在朋山嶺格閩書抄神姓名失傳前朝勅封靈感

威惠尊王元至正閒泉有警神兵顯於嶺隘旗幟森羅

鉦鼓聲震賊懼宵遁明嘉靖閒廟傍火延燒神泊夫人

二像煙焰中進輦及庭不燬衆異之鼎新廟宇朋山在

郡西北木星聳峙有儒朋氣象其神必聰明正直而壹

靈威故宜而姓名無可攷蓋世數綿邈文獻難徵矣

龜山廣利尊王廟在清源山龜巖閩書王姓陶唐時來自

江介行賈閩廣閒值歲恒暘一日神起遇異頭怪面二

人怪其不類詰而問之至于再三二人云恭受帝命茲